

tatou Metua i te Ao ra no te hamani i to tatou varua ; o te mea ia tei arata'i i to tatou Faaora i te ô i Getesemane no te faariro Ia'na iho ei hoo no ta tatou mau hara. Te here, o te tumu rahi ia o te faanahoraa o te faaoraraa ; o te puna ia o te oaoa, o te ora apî hope ore ia o te faaoraraa, e te taheraa pape tao'a rahi o te ti'aturiraa.

Mai te mea e, e faatoro tatou i to tatou rima e to tatou mafatu ia vetahi ê i roto i te aroha o te Mesia ra, e tupu te hoê ohipa nehenehe roa i ni'a ia tatou. E faaorahia to tatou varua, e rahi atu to'na nehenehe e to'na puai. E rahi atu to tatou oaoa, e to tatou huru faatupu i te hau, e to tatou aravihi i te faaroo i te muhumuhu a te Varua Mo'a.

Ma to'u aau atoa e to'u varua atoa, te haamauruuru nei au i to tatou Metua i te Ao ra no te horo'a o Tā'na Tamaiti, no te oraraa e te hi'oraa o Iesu Mesia e no To'na tusia hara ore e te pipiri ore. Te oaoa nei au i te mea e, aita te Mesia i pohe, ua ti'a râ i ni'a mai te pohe mai ! Te ora nei Oia e ua ho'i faahou mai i te fenua nei no te faaho'i mai i To'na mana e Tā'na evanelia i te taata nei. Ua horo'a mai Oia i te hi'oraa maitai roa no te huru o te tane e te vahine e ti'a ia tatou ia riro.

I teie sabati pasa, e i te mau mahana atoa, a hi'o ai tatou ma te faatura e te maere i te huru o to tatou Faaora tauahiraa ia tatou, tamahanahanaraa ia tatou, e faaoraraa ia tatou, e fafau ana'e tatou ia riro tatou ei rima No'na, ia ti'a ho'i ia vethi ê na roto ia tatou ia ite atoa i Tā'na tauahi here. Na roto i te i'oa o Iesu Mesia ra, amene. ■

TE MAU NOTA

1. 2 Nephi 26:24-25, 28 ; faahauhia te faatomararaa.
2. Hi'o Luka 18:9-14.
3. Roma 3:23.
4. Te Parau Haapiiraa e te Mau Parau Fafau 18:10.
5. Mosia 18:9.
6. Hi'o Alama 7:11-13 ; Te Parau Haapiiraa e te Mau Parau Fafau 19:16.
7. Maseli 17:17.
8. A hi'o Clarence Cook, « Abram and Zimri, » *Poems, by Clarence Cook* (1902), 6-9.
9. A hi'o Mataio 22:39.
10. A hi'o Mataio 7:12.
11. 1 Korinetia 13:1.
12. Te Parau Haapiiraa e te Mau Parau Fafau 81:5.
13. Mataio 22:40.
14. Hi'o Iudea 1:12.



Na Elder Richard G. Scott

No te Pūpū no te Tino Ahuru ma Piti Aposetolo

Te Ora nei Oia ! Ia Hanahana To'na ra I'oa !

Na to tatou haroaroa e to tatou faaroo i te Taraehara a Iesu Mesia e boru'a mai i te puai e te aravihi e binaarohia no te hoê oraraa manuia.

Epo'ipo'i pasa teie, te mahana mo'a tei faataahia i roto i te taatoaraa o te ao Kerisetiano no te haamaano'o i te upoti'araa o Iesu Mesia i ni'a i te pohe. Ua tatara To'na Ti'a-faahou- raa i te mea tei riro na e tae noa mai i taua taime ra, te mau tape'a mure ore o te pohe. Ua iriti Oia i te e'a e nehenehe ai i te mau tamarii atoa a to tatou Metua i te Ao ra o te fanauhia i ni'a i te fenua nei ia farii i te rave'a no te ti'a mai te pohe mai ia ora faahou.

Aue ia te oaoa o to tatou Metua i te Ao ra i taua mahana mo'a ra a tatara ai Tā'na Tamaiti haapa'o maitai e te ti'amâ i te mau taamu no te pohe. Eaha ra ia te hopearaa mure ore a te opuaraa no te oaoa a to tatou Metua ahari e aita te reira i haafaufaahia na roto i te Taraehara hopea ore e te mure ore a Tā'na ra Tamaiti hanahana e te haapa'o maitai ? Ahani ua riro te pohe ei hopea no te oraraa e aita roa e taata e ti'a-faahou mai, eaha ia te opuaraa mure ore no te hamani-raa-hia te fenua nei ei vahi i reira te mau maramarama e ahuhia ai i te mau tino varua e farii ai i te hoê tino ?

Aue ia taime hanahana taua po'ipo'i ra no te taata atoa tei taa i to'na ra auraa.

Te pasa o te tau mo'a ia i reira te aau o te mau Kerisetiano atoa e fariu ai ma te aau haehaa e te mauuruuru i to tatou Faaora here. E tau o te afa'i mai i te hau e te oaoa i te mau taata atoa o te here Ia'na e o te faaite i te reira na roto i te haapa'oraa i Tā'na mau faaueraa. E afa'i mai te pasa i te mau mana'o no ni'a ia Iesu, To'na ora, Tā'na Taraehara, To'na Ti'a-faahou-raa, To'na here. Ua ti'a Oia mai te pohe mai « ma te ora i to'na pererau ». (Malaki 4:2 ; 3 Nephi 25:2). Aue ia tatou paatoa o te hinaaro i taua faaoraraa ra ta te Faaora e nehenehe e horo'a. Ta'u poro'i e poro'i ia no te ti'aturiraa tei niuhia i ni'a i te mau parau tumu tei itehia i roto i te mau haapiiraa a te Orometua Rahi, o Iesu Mesia.

E nehenehe ta te mau melo no Te Ekalesia a Iesu Mesia i te Feia Mo'a i te mau Mahana Hopea Nei e taa hope roa i te aano e te hohonu o te faaoraraa tei horo'ahia mai e Tā'na Taraehara no te mea tei ia tatou ra te îraa no Tā'na ra haapiiraa. Te ite nei tatou e te



i rotopu i te titauraa a te parau-ti'a e te aroha mai te au i to tatou haapa'oraa i Ta'na evanelia. O Oia te maramarama no te taata nei. O Oia te pû no te parau mau atoa. Ua rave faaoti Oia i te taatoaraa o Ta'na mau fafauaraa. Te feia atoa e haapa'o i Ta'na mau faaueraa e noaa ia ia ratou te mau haamaitairaa mana'ohia tei hau atu i te hanahana.

Ahani aita te Tāraehara, e ore roa ia e tupu te opuaraa no te oaoa a to tatou Metua i te Ao ra. Te horo'a nei te Tāraehara i te mau rave'a atoa no te haavî i te mau hopea no te mau hape tei ravehia i roto i te oraraa. Ia haapa'o ana'e tatou i te hoê ture, e farii ia tatou i te hoê haamaitairaa. Ia ofati ana'e tatou i te hoê ture aita ia e mea e toe mai roto mai i te haapa'oraa na mua'tu no te haamaha i te mau aniraa a te parau-ti'a no taua ture ra tei ofatihia. Te faati'a nei te Tāraehara a te Faaora ia tatou ia tatarahapa i te mau ofatiraa ture atoa e na roto i te reira ia ape i te mau faautu'araa ta te parau-ti'a e titau.

E tamau noa to'u faatura e to'u mauruuru i te rahi no te Tāraehara a Tei Mo'a i Iseraela, te Arii no te Hau, e to tatou Tāraehara a tutava ai au i te faarahi i to'u ite no ni'a i te reira. Te ite nei au e aore roa e mana'o taata e nehe-nehe ia feruri, aore atoa e arero taata e nehenehe e faahiti tano, i te auraa mau no te mau mea atoa ta Iesu Mesia i rave no te mau tamarii a to tatou Metua i te Ao ra na roto i Ta'na ra Tāraehara. Oia mau, e mea faufaa rahi roa ia haapii tatou tata'itahi i te mau mea atoa no ni'a i te reira. Te Tāraehara o taua tufaa faufaa rahi ra ia no te opuaraa no te oaoa a to tatou Metua i te Ao ra, ahani aita eita ia taua opuaraa ra e faahaerehia. Na to outou ite no ni'a i te Tāraehara e te haapiiraa ta'na e horo'a mai no to outou oraraa e faarahi roa i ta outou faaohiparaa manu'ia i te taatoaraa o te ite, te paari e te aravihi ta outou e farii i roto i te oraraa tahuti nei.

Te ti'aturi nei au e e haapii mai tatou te tahi mea ia tamata ana'e tatou ia feruri eaha ta te Tāraehara i titau i te Metua e Ta'na Tamaiti tei hinaaro mau i te reira. Teie na titauraa e toru ta te Faaora i faaruru :

A tahi, te hoê iteraa i te hopoi'a rahi, no te mea ua ite Oia e ia ore te

mea Ta'na i rave na roto i to'na iho hinaaro ma te mau iui e te tusia rahi e haamaitai ia te reira ia tatou eiaha i roto noa i teie nei oraraa i roto atoa râ i te oraraa e amuri noa'tu.

I teie pasa, a haamana'o ai outou i te Ti'a-faahou-raa e te hoo tei aufauhia e te horo'a tei horo'ahia na roto i te Tāraehara, a feruri hohonu no ni'a i te mea ta te mau papa'iraa mo'a e haapii nei no ni'a i taua mau ohipa mo'a ra tei tupu. E haapuaihia to outou iho iteraa no te tupuraa mau o teie nei mau mea. E ti'a i te reira mau mea ia hau a'e â i te mau parau tumu ta outou e tamau aau. E ti'a i te reira ia riro ei tufaa no outou mai te hoê patu puai e paruru i te rahiraa ino e haaviivii nei i to tatou ao.

Ua parau te peropheta Lehi i te hoê parau mau hohonu a parau ai oia e :

« Na roto i te Mesia Mo'a e tae mai ai te ora ; ua î ho'i oia i te aroha e te parau mau. Inaha, e pûpû oia ia'na iho ei taraehara, ia faati'a i te titauraa a te ture i ni'a ia ratou atoa tei noaa te aau paruru e te oto ; e ore e ti'a ia haapee i te titauraa a te ture i tei ore i noaa te reira » (2 Nephi 2:6-7). No te feia te'o-te'o e te teitei mai te mea râ ia e aore roa'e e Tāraehara.

Te ora nei o Iesu Mesia. O Oia to tatou Faaora, to tatou Tāraehara. E taata hanahana Oia tei ti'a faahou. E mana To'na no te faaite i te here puai, e te hanahana rahi roa o te ore e noaa i te arero taata ia faahiti i te reira. Ua horo'a Oia i To'na ora no te tatara i te mau taamu no te pohe. Ua faaohipa hope roa Ta'na Tāraehara i te opuaraa no te oaoa a To'na Metua i te Ao ra.

Ua tape'a maite o Iesu i te aifaitoraa

reira e rave-maitai-hia e ore roa te hoê o te mau tamarii a To'na Metua e nehenehe e ho'i atu Ia'na ra. E ti'avaruhia ratou e a muri noa'tu mai mua'tu i To'na aro no te mea aita e rave'a no te tatarahapa no te mau ture i ofatihia e eita roa ho'i te mea viivii e nehenehe e parahi i mua i te aro o te Atua. E ore ia te opuaraa a To'na Metua e manui'a, e e riro ia te mau varua tamarii i raro a'e i te faatitiraa e te hamani-ino-raa mure ore a Satane.

Te piti, i roto i To'na feruriraa e to'na aau mâ mau ua ti'a Ia'na ia ite o Oia iho i te hopea o te mau mea atoa ta te taata e faaruru, e tae noa'tu i te mau hara hau atu i te ino e te viivii.

Te toru, ua ti'a Ia'na ia faaoroma'i i te mau aroraa ino a te feia e rave rahi tei apee ia Satane, a faaoroma'i ai Oia i te mau iho o te tino e te feruriraa e tae noa'tu i te hopearaa o te vahi e nehenehe ia'na ia faaoroma'i. I muri iho, no te mau tumu tei ore e taahia e tatou, a tae ai to'na puai i te faito hopea, i te taime a hinaaro mau ai te Faaora i te tautururaa, ua faati'a To'na Metua Ia'na ia amo Oia i te hopoi'a teimaha na roto ana'e i To'na iho puai e te aravihi.

Ua tamata vau i te feruri e aue ia taima o to rahi no to tatou Metua i te Ao ra a tuo ai te Faaora mai ni'a mai i te satauro, « e ta'u Atua, e ta'u Atua, eaha oe i faarue mai ai ia'u ? » (Mataio 27:46 ; Mareko 15:34). Aita vau e ti'aturi e ua faarue mai te Metua i te Ao ra i Ta'na Tamaiti i ni'a i te satauro. Te ti'aturi nei au e ua tupu te tuo i te taime a ite ai ta'ua Tamaiti ra e ua iriti-ê-hia'tu te tauturu ta'na i farii noa na no ô mai i To'na ra Metua. Ua ite To'na Metua e ua ti'a i te Faaora ia rave faaoti hoperoa e te taatoaraa o te Taraehara o ona ana'e iho ma te tautururaa ore no rapae mai. Aita te Metua i faarue i Ta'na Tamaiti. Ua faati'a râ Oia i Ta'na Tamaiti maitai roa ia rê i te mau hotu mure ore no te Taraehara.

Eita roa e nehenehe te hoê o tatou ia oaoa maitai i roto i te oraraa tahuti nei i te taatoaraa o te mau hotu maitai no te Taraehara.

Te vai nei te hoê tauraa u'ana i roto ia tatou tata'itahi ia haapuai i to tatou iteraa no ni'a i te auraa no te



Taraehara a Iesu Mesia ia riro te reira ei niu aueue ore no te patu atu i to tatou mau oraraa. A rahi noa'tu ai â to te ao ereraa i te mau ture tumu, e a rahi noa'tu ai â te pato'iraa i te tura, te viretu, te viivii-ore no te titau i te mau hia-ai o te tino, e horo'a mai ia to tatou iteraa e te faaroo i roto i te Taraehara a Iesu Mesia i te puai e te rave'a e hinaarohia no te hoê oraraa manui'a. E horo'a atoa mai te reira i te ti'aturiraa i te mau tau tamataraa e te hau i te mau tau ahoaho.

Te faaitoito u'ana nei au ia outou ia haamau i te hoê opuaraa na outou iho no te tai'o ia taa e ia oaoa maitai a'e outou i te mau hotu faito ore, e te mure ore e te hopea ore no to Iesu Mesia rave faaoti-maitai-raa i Ta'na piiraa hanahana ei Faaora e ei Taraehara no tatou. Na to outou iho feruriraa hohonu i te mau papa'iraa mo'a ma te apee-hia e te ma'imiraa e te pure mau o te aau e haapuai i to outou ite e to outou mauruuru no Ta'na Taraehara faufaa rahi. Te tahi atoa rave'a no te ite ia Iesu

Mesia e Ta'na Taraehara o te haere-pinepine-raa ia i te hiero.

Ia faapî tatou tata'itahi i ta tatou faaotiraa ia haapii i te mau parau tumu mau i roto i te vahi mo'a no to tatou iho utuafare. A na reira ai tatou, te horo'a ra ia tatou i te rave'a rahi roa'e no te oaoa i te mau varua tei tuuhia i roto i ta tatou tiaauraa. A faaohipa i te Ekalesia ei hoê mauhaa parau-ti'a no te haapaari i te utuafare, a ite râ e na ni'a i to tatou ti'araa metua tei ia tatou ra ia te hopoi'a tumu e te rave'a ia arata'ihia tatou e te Fatu i te atuaturaa i Ta'na mau tamarii varua tei tuuhia i roto i to tatou rima no te haapa'o.

E mea faufaa rahi roa te haapiira i te parau mau i roto i te utuafare. E mea faufaa rahi te Ekalesia, i roto râ i te utuafare e horo'a ai te mau metua i te ite e te arata'iraa tei titauhia no te mau tamarii. E parau mau te mea tei parauhia, e te mau piiraa hau atu i te faufaa rahi i teie taime e amuri noa'tu o te mau piiraa ia no te metua tane e te metua vahine. Te vai ra te taime e

haamauruuruhia tatou i te mau piiraa ê atoa ta tatou i farii, eita râ i te piiraa ei metua tane e ei metua vahine.

A feruri hohonu ai outou – eiaha e tai’o noa a feruri hohonu râ – i te mau papa’iraa mo’a, e nini mai ia te mana o te Varua Maitai i te mau parau mau i roto i to outou feruriraa e to outou aau mai te hoê niu papû i roto i teie nei tau papû ore e orahia nei e tatou. Ei metua a faaineine i ta outou mau tamarii no te mau tamataraa ta ratou e farerei. A haapii ia ratou i te parau mau, a faaitoito ia ratou i te ora i te reira e e maitai ia ratou noa’tu te huru puai o te arepurepu o te ao.

I teie nei pasa, a rave i te faaotiraa ia faairi o te Fatu ia Iesu Mesia ei pû ora no to outou utuafare. A haapapû e ua arata’ihia te mau faaotiraa atoa ta outou e rave, no te pae varua anei aore râ te pae tino anei, e te mana’o « eaha ia ta te Fatu ra Iesu Mesia e hinaaro ia’u ia rave ? » Mai te mea o te Faaora te pû o to outou utuafare, e i ia te reira i te hau e te oaoa. Te vai nei te hoê varua no te hau o te faa’i te utuafare e o te itehia e te mau tamarii e te mau taata paari atoa.

Te rave’a maitai roa’e no te faatupu i te hoê tauraa tamau no te maitai o te faairoraa ia ia Iesu Mesia ei hoho’a no outou e Tà’na mau haapiiraa ei arata’i no to outou oraraa.

Mai te mea ua ofati outou i Tà’na mau faauerua e aita outou i mana’o e e mea ti’amâ outou, a ite e teie te tumu i horo’a ai te Fatu, o Iesu te Mesia i To’na ora. Na roto i Tà’na Tàraehara ua iriti oia, e amuri noa’tu, i te rave’a no te upooti’a i ni’a i taua mau hape ra, no te tatarahapa i te mau ma’itiraa tano ore, e no te haavî i te mau hotu ino no te hoê oraraa tei ore i tuati i Tà’na mau haapiiraa.

Te here nei te Faaora ia tatou tata’itahi e e rave Oia i te mau mea atoa no te haamaha i to tatou mau hinaaro atoa a farii ai tatou na roto i te haapa’oraa i te taatoaraa o te mau haamaitiraa Tà’na e hinaaro ia tatou ia farii i ni’a i te fenua nei. Te here nei au e te haamori nei au Ia’na. Ei tavini haamanahia Na’na, te faaite papû nei au ma te hanahana e ma to’u puai atoa e, te ora nei Oia, i te i’oa o Iesu Mesia, amene. ■



Na Elder Donald L. Hallstrom

No te Peresideniraa o te Hitu Ahuru

Fariu atu i te Fatu ra

Eiaha roa’tu e vaiiho i te mau mea o te ao nei ia faaino ia outou i te pae varua.

Erave rahi matahiti i ma’iri a’e nei, ua ite au i te mau iui rahi... tei riro mai ei ati rahi. Ua fatata te tane e ta’na vahine i te fanau mai i ta raua aiû matamua. Ua i roa to raua oraraa i te opuaraa e te oaoa no taua ohipa faahiahia ra. I te taime o te fanauraa, ua tupu te fifi e ua pohe te aiû. Ua riro mai te mau iui ei au-ore-raa, ua riro mai te au-ore-raa ei riri, ua riro mai te riri ei faahaparaa e ua riro mai te faahaparaa ei tahooraa i ni’a i te taote ta raua i faairi e na’na te hape taatoa. Ua faa’o atoa mai te mau metua e te tahi atu mau melo o te utuafare i roto i teie pe’ape’a, e ua imi ratou paatoa i te rave’a ia haamou roa i te roo e te toro’a o teie taote. A tere noa ai te hepetoma e i muri iho te ava’e o te inoino rahi o te utuafare, ua faatae roa to ratou inoino i ni’a i te Fatu. « E mea nahea Oia i vaiiho ai i taua ohipa ri’ari’a ra ia tupu mai ? » Ua pato’i ratou i te mau tautooraa tuutuu ore a te feia faatere o te Ekalesia e te mau melo no te tauturu ia ratou, e ua tae i te taime, ua faaatea ê ratou i te Ekalesia. E maha u’i o te reira utuafare tei roohia i taua fifi ra. I te hoê tau ra, ua vai te faaroo e te haapa’o i te Fatu e i Tà’na Ekalesia, aita e ohipa varua faahou na te hoê melo o te utuafare no te roaraa e rave rahi matahiti.

I roto i te mau taime fifi o te oraraa, e mea pinepine roa e, hoê noa iho vahie roa ai te hau. Te horo’a mai nei te

Arii no te Hau, o Iesu Mesia, i To’na aroha i roto i teie tauraa, « e haere mai outou ia’u nei, e te feia atoa i haa rahi, e tei teiaha i te hopoi’a, e na’u outou e faaora » (Mataio 11:28). Ua fafau mai Oia i muri a’e ra e, « ... o to’u nei hau ta’u e ho atu no outou ; e ere mai ta to te ao nei horo’a ia outou » (Ioane 14:27).

E piti a to’u na metua ruau tamarii, i te pae o to’u papa, hoê tamaiti (to’u papa) e hoê tamahine. Ia hope ta to’u metua tane tau misioni e te tau faahau i Hawaii, ua ho’i oia i te mau motu i te matahiti 1946 no te faatupu i ta’na iho ohipa e ia faatupu i to’na utuafare. Ua ora to’na na metua i Salt Lake City, mai to’na tuahine. Ua faaipohia to’na tuahine i te matahiti 1946 e e maha matahiti i muri iho, ua hapu oia. Te vai ra te tahi mea taa ê roa no te mau metua ia tia’i i te hoê tamahine (i ônei, hoê tamahine otahi) o te fanau no te taime matamua. Aita hoê taata i ite e, e maehaa ta’na. Te vahi pe’ape’a râ, ua pohe oia e na maehaa i te taime fanauraa.

Ua oto roa to’u na metua ruau. Tera râ, i roto i to raua inoino, ua fariu oioi raua i te Fatu ra e i ni’a i To’na Tàraehara. Aita raua i haamarirau i ni’a i te uiuiraa e, no te aha teie i tupu ai, e o vai o te faahapa, ua faatumu i te mana’o i ni’a i te oraraa i te hoê oraraa parau-ti’a. Aita ta to’u na metua